

是月傳奉官二十四人

十月戌辰曉刻火星犯壘壁陣星

辛未總督漕運右副都御史李裕服滿補內院

甲戌提督膳黃右通政邊鏞為右僉都御史提督鴈門等關

兼巡撫山西

乙亥山東左布政使趙文博為右副都御史巡撫河南

丙子取太倉四十萬金入內庫

丁丑湖廣茶陵縣進為州

戊寅夜月犯天街星

壬午詹事彭華許于鄉人詔宥其罪奪俸半年

甲申吏部文選郎中黃孔昭為右通政提督膳黃

丙戌免南京濟川衛章瑾軍籍瑾進寶石盜帑遣戍者

戊子傳陞太常寺丞張苗為少卿時傳奉官二十五人

癸巳曉刻月當晦不晦

十一月乙未朔南京協同守備脩武伯沈煜卒

辛丑昏刻月犯壘壁星


壬寅免保定河間田租

甲辰臨洮地震

國權

成化十八年

十六



前兵部右侍郎吳寧卒寧歙縣人宣德庚戌進士方介自守

不事奉祿年年八十四

丁未賜御用太監劉通淮益萬引

昏刻月犯六諸王西星

巳酉傳陞署太常寺事禮部左侍郎劉及為尚書仍署事如

故太常寺少卿丁永中為寺卿寺丞蒙以聰崔志端為少卿

禮科左給事中張以弘為都給事中大慈恩寺灌頂大國師

劉實堅劉乳奴班、丹得為西天佛子

庚戌夜月犯五諸侯東星

辛亥總督兩廣軍務右都御史朱英展祭命亟還

丙辰夜月掩上相星

戊午晚刻月犯亢宿

賜錦衣千戶徐達三萬引

南京國子監火

庚申編脩董越為侍讀

辛酉太常寺奏大祀將及帶俸官例不看牲分獻獨去年右


通政李孜省分獻待定 上令孜省仍分獻免其看牲蓋非

故事也

國權

成化十八年

七



壬戌賜曲阜顏氏廟戶如孟氏

是月傳奉官五十七人

十二月庚午御製文華大訓成自序之其書綱四進學養德厚

倫明治目二十四以授皇太子

錄克復哈密功右都督罕慎進左都督

南京工部火

辛未萬安太子太傅華蓋殿大學士劉珣太子太保護身殿

大學士劉吉太子太保武英殿大學士

杖御史于璧劉規于朝有妄男子醉呼東闕門壁等手執之

失體下之獄

癸酉日色如赭

順天府尹杜謙為工部右侍郎

乙亥瀘州及長寧等縣地震聲如雷

丁丑夜月犯五諸侯東星

戊寅設輪服闋補順天府尹

定僧道公罪不還俗之令以巡撫南畿尚書王恕言之


已卯命今後遣戍不勾補從御史姜昂之請


辛巳岷世子膺鉦居喪淫酌草冠帶不封

國權

成化十八年

六





甲申夜月犯進賢星

丁亥巡撫貴州右副都御史陳儼為南京刑部右侍郎南京

右通政萬翼為南京兵部右侍郎

戊子前南京戶部左侍郎馬諒卒和州人宣德癸丑進士

己丑進征南將軍沐琮太子太傅

國權

成化十九年癸卯

正月丁酉分守大同東路左監丞楊雄左叅將都督同知盧欽

私忿相訐 上切責之

己亥禮科給事中林榮行人黃乾亨使滿刺加國還舟溺於

羊嶼並死有善水者脫走安南以告初黷利者貨過重故舟

壞千餘人僅還二十四人

壬寅命四川歲輸茶十萬斤于陝西茶馬司給番僧免其候

國權

成化十九年

一

支也

丙午 上南郊

庚戌 討溫衛女直都督僉事康尼再進海東青求陞秩并

蟒玉 上曰朕不寶遠物念其效順勉受之准陞一秩加綵

幣二

丙辰增北勝州流官知州

工部左侍郎杜謙脩蘆溝橋隄

戊午拓脩京通倉太監張昇都督同知馮昇工部右侍郎張

頤董其役

辛酉四川左布政使謝景為右都御史巡撫貴州

癸亥定給湖廣太岳太和山香臘令于襄陽夏稅給之

二月甲子朔趙府洛川王祁銀薨年四十七謚靖懿

丁卯夜月犯太陰星

庚午傳陞錦衣衛指揮使朱驥為都指揮僉事

辛未立蕭山德惠祠故尚書魏驥：居家築海隄至今人

祀


思其德

原府和寧王府火先是有妖屢見欲舉火至是 上給絹三

捨匹布五十匹米六十石

國權 成化十九年

二



甲戌伏羗縣地震

襄城侯李瑾役萬人脩大慈恩寺

乙亥立豐盈倉于豐潤縣貯歲餉

免平涼去年田租

召甘肅左副總兵康永還京永忤總兵官王璽引疾

丁丑傳陞尚衣太監廖屏從子賢為錦衣正千戶

戊寅分守莊浪左叅將署都督同知魯鑑為甘肅副總兵

己卯王憲嗣靖遠伯

庚辰夜月犯亢宿

辛巳故御史贈大理寺丞鍾同子越廕通政司知事

給工部文思院大使羅祥等八十五負牙牌工匠例不牙牌

上特予之

甲申河南永寧縣有火光化為白氣俄天鳴如雷

丁亥俞欽服闋仍兵部左侍郎

己丑進邛縣為州

辛卯戶部尚書翁世資致仕加太子少保勅賜月廩二石役


四人是舉也朝恩以為渥

壬辰命私闖三十人戍南海子

國權

成化十九年

三



是月傳奉官六十六人

三月乙未署欽天監事太常寺卿童軒引疾乞調勒致仕

丁酉分守萬全衛右叅將都督僉事孫素訐指揮使李賢失實下獄

己亥楊守隨服闋仍應天府丞

庚子禁勢家中益侵商利時內官王鈞令家人中河東鹽二萬四千引不許

壬寅工部郎中徐九思為南京右通政翰林侍講陳普為南京太常寺少卿

夜月犯軒轅

癸卯召兵部尚書余子俊

甲辰右都御史戴縉為南京工部尚書

巡撫河南右都御史孫洪以周府儀賓劉宣訐奏按之多役

部民作器物下洪錦衣獄

乙巳四川大掌壩甲部天全六番賈弓等寨番作亂命巡撫


孫仁勳之

己酉曉刻月食既

辛亥右通政潘禮服起改南京

國權

成化十九年



前刑部尚書董方卒忻州人正統乙丑進士授大理寺副明
法律頗任恩怨好刻急不甚飭守贈太子少保賜諡襄敏

壬子耀武營都督僉事劉能卒

癸丑逮前巡撫宣府左僉都御史鄭寧以虧餉也

甲寅前南京禮部左侍郎章綸卒樂清人正統己未進士授
南京禮部主事景泰初進郎中陳太平十六策懷獻太子薨
請復立沂王下獄天順初擢禮部右侍郎已失石亨楊善意
改南京尋改南京吏部轉禮左致仕年七十一贈禮部尚書
諡恭毅

乙卯初欽天監天文生張昇請改歷測象下禮部而欽天監
泥之不果行

丙壬設四川璧山縣蓋古縣巴縣三百餘里

辛酉陝西隕霜

壬戌嘉祥長公主薨下嫁駙馬都尉黃鏞年二十五

是月傳奉官十餘人刑部主事郭宗為尚寶司少卿宗進士
善刻印內臣引之日與市人賤子駢肩供事後心疾愧稱疾


四月癸亥朔金星晝見

乙丑知縣朱福唐韶吳淑為試監察御史

國權

成化十九年

五



丙寅洮岷地震

丁卯工部右侍郎胡睿卒長垣人天順丁丑進士通敏有才以善汪直驟顯

己巳巡撫陝西阮勤請修岐山周公廟咸陽周公墓沔縣漢諸葛亮鳳翔宋范仲淹藍田大呂忠大臨大鈞祠從之周公墓歲二祭餘一祭

庚午太常寺少卿沈政請聚天下財貨充府藏 上怒其悖杖之下獄謫鎮安府通判

壬申特封朝鮮國王李婁長子愷為世子嘉李婁恭順也

甲戌撒馬兒罕及亦思罕地面等入貢

丁丑免河南去年災租六十六萬餘石

辛巳郟城等縣地震

己丑右副都御史李裕為右都御史左僉都御史屠瀟為右副都御史


庚寅刑部尚書張鑿等奏逮錦衣帶俸正千戶郭勇下獄勇戚畹也以家人爭田株累 上後知之釋勇責鑿等皆伏罪原問主事周鵬下錦衣獄

是月傳奉官二十餘人

國權

成化十九年

六



五月壬辰朔起都督僉事周賢充副總兵協同總兵官王信鎮

守湖廣

兵部尚書張鵬等校試天下將才

丙申傳陞太常寺少卿為顧瑛為寺卿

辛丑免六合江浦去年災租

壬寅上首亦思馬因為北敗走遺細弱朵顏三衛携往海

西易軍器遠東巡撫王宗彛購九人入京分賜太監懷恩等

甲辰廣西洛容縣地震

丁未減浙江銀課三之一如成化三年例二萬一千二百五

十金

壬子夜月犯壘壁陣東二星

癸丑兗州大雨水

鎮守大同太監汪直報欲大舉乞將臣故所統達官都督


盧深等千一百人兼程赴援兵部議時方盛暑師難久戍抑

大同各邊士馬計四萬足守禦第謹備之且京軍差役疲困

銳氣消阻乞罷遣詔可保國公朱永亦言團營見卒九萬三

千四百有奇各處更番赴工者五萬二千下場者二萬四千

六百操練僅萬六千七百人勞逸頻繁不遑蓄銳即馬匹亦



散牧遠郊恐警急卒生難以調集乞暫止回營俟調遣上
令止京倉之役大慈恩寺趣工下場廬溝隄并通州倉繕
治畢即休舍之

乙卯南京太常寺少卿楊導卒導少師士奇子
是月傳奉官十餘人太常寺丞趙玉芝母得封勅玉芝以左
道黃進歷任未半年也

六月壬戌朔軍人章瑾為錦衣衛所鎮撫

丙寅楚府通城王季瑾薨年七十一謚榮順

前南京工部右侍郎程萬里卒華容人天順元年進士雖善

議論素乏清譽止予祭

丁卯茂州地震

戊辰前太子少保戶部尚書翁世資卒莆田人正統壬戌進
士有幹局才思通敏頗侈靡不飾小節其自衡州守驟至卿
閹力也贈太子少傅予祭葬

己巳前南京工部左侍郎郝璜卒光州人正統壬戌進士自
吏部郎天順初以陳汝言進


庚午福州大風雨壞廬舍覆舟溺數千人

癸酉沈謀嗣脩武伯

國權

成化十九年

八




乙亥潞州大雨雹

調鎮守大同太監汪直于南京御馬監直既起邊衅，輒教犯得漢人輒毒害之皆以執仇為詞。上固疑之會巡撫邊大同右僉都御史郭鏜奏直與總兵官許寧嫌隙寧則恐直見凌直則忌寧相執粹值寇且憤邊事兵部言其後患遂勅責調南京太監蔡新鎮守大同簡顯鎮守宣府先是直勢傾中外附之即榮忤之即譴天下重足一時士縉趨走其門巡邊之役所至都御史鎰甲戎裝望塵伏道須過乃與至館易褻衣帽叩頭監道出半蹠有如役隸其熏灼如此至是道出

陽曲有司皆避匿不見困卧駟館孤獨夜焚而已定州知州裴泰嘗容直善供具直悅之適泰以事至曲陽直向泰求食曰吾非復曩比矣。上意且不可測為語陽曲公詰卒騎使就道足矣


設遷曰神龍不可脫于淵猛獸不可脫于林勢使之然也人主生長深宮日與宦監習盜威福伺怒喜因其近幸外廷毋得聞焉伏生狎，生奸至于奸而國始蠹矣汪直年少於寵倖功越在邊郵久離宮掖彼內臣紛，者何限各思乘間而出其右耳目漸移顰笑互中雖有異眷豈能要



其終哉直之外鎮也直自失計耳向使歸自遠左戢影禁
中天門沉疔疇得而窺之雖然直而內也又不止南謫矣
遲發則禍逾重直之失計或直之厚幸也
夜大星自雲中流近濁

丁丑總督兩廣軍務右都御史朱英等奏桂平林樂等蠻賊
總兵官陳政等部分漢達官軍土兵並進攻破黃姜桂山等
峒十有六擒斬二千一百二十四人上勅勞之
庚辰聞下警太監金鏞新寧伯譚祐等簡閱京營侯調先命
今游擊將軍馬俊以三千人往已命安順伯薛瑤駐永平都

督同知白瑜駐容雲各領三千人都督同知白金充右叅將
歷邊關大理寺少卿侯鍾往保定真定
監察御史徐鏞等言軍旅之興倚辦芻糧比歲諸邊倉庫費
出無經言及出師輒云糧乏聽征之馬則第支草無備甚矣
請勅戶部悉心規畫尚書余子俊等覆曰洪武永樂時以天
下歲徵給邊餉歲外尚有餘積自正統末京邊添調數多無
事之時俱給糧草而民間田地又多詭寄故賦稅日減供費
日虧且水旱虫災歲賑有常例在還官並今槩為赦免鈔錢
益三法乃國家財源胡椒蘇木俱官吏俸銀之助今並沮廢



此何得不憂將來請自今凡賑濟逋負之糧第從緩征若頒
恩詔則如古者賜明年田租之法行之凡諸詭籍悉令改正
而踏勘災傷則使風憲官同軍衛有司訪察勘奏分巡官使
兼理糧草巡鹽巡茶管屯官使歲滿具報本部而其原尤在
朝廷務本而節用也 上善之

丙寅曉刻金星犯軒轅星

丁卯勅大理寺少卿侶鍾巡視保定涿易真定

戊辰陝西按察使左鈺為右僉都御史巡撫遼東

庚子大同都指揮劉銳等擊石佛寺越二日指揮趙伯章

等敗之

壬申巡撫宣府秦紘總兵官周玉都指揮孫成等擊十勝之

賜獎勅

癸未寧王奠培與其弟石城王奠堵計奏各減明年歲祿三
之一

是月傳奉官十餘人高士王應椅得貶封如文職


七月甲子道錄司右至靈高宗諒右玄義史宗信等偽云丹靈
神降可長生欲進御而覺宗諒等削籍

丙申夜大星自奎宿流大陵

國權

成化十九年

十一



戊戌傳陞太常寺丞趙玉芝為寺卿

庚子宣府地六震

左春坊左諭德張昇侍講商良臣主試應天

甲辰增四川布政司左叅政提督銀課初會川衛密勒山銀

課萬三千五百餘金礦夫六百餘人止而復開蕪開沙卧山

而會川距成都二千餘里太監蔡用請分司提督

丁未 皇八子祐梓生母敬妃王氏生兩月殤

十萬餘騎犯宣府煤峪口而南大掠大同總兵官許寧越山

等督戰數合比莫斂兵相持詰朝十一三萬騎突至官軍失利

死亡五百八十六人下退斬十七級寧謬以捷聞得獎功

辛亥兵部尚書余子俊召至改戶部

壬子禁收稅糧餘價

癸丑武平伯陳能卒


丁巳錦衣衛千戶姚福負請獻青二縣庄田不許

戊午大擁眾薄大同城馬舖山叅將劉寧以三千人值十三

百騎擊敗之駐懷仁

己未保國公朱永為鎮朔大將軍總兵官出大同禦下太監

蔡新監軍右僉都御史郭鐘贊理軍務永請益步卒萬人薦



都督范瑾可叅將從之先發五千人尋命都督同知李俊充
游擊將軍

光祿寺卿艾福加禮部右侍郎

八月壬戌由水峪村入掠許寧等分擊之宣府副總兵江山

兵至乃北走擒十人斬十五級

癸亥太僕寺卿楊穉少卿霍貴俱劾免遼東巡撫王宗誠降

布政司左叅議予告

南京應天府尹魯崇志卒崇志父右僉都御史穆天台人登
景泰甲戌進士授吏科給事中寡言笑少嗜好性不苟合有

父穆之風年十賜祭葬

甲子命巡撫山西邊鏞增兵戍守各關隘

乙丑太常寺博士王相行人呂璋許潛向榮許璘知縣唐相

陳景隆暢亨陳璧劉憲鄒魯賈欽王嵩紀傑楊璉等為試監

察御史

卜復犯大同乘勝入掠鴈門紫金荊等關真定保定人所多

逃竄延綏副總兵李璵敗卜三百餘騎于朔州駝梁叅將莊


鑑亦敗之錢家嶺

兵部議令宣府總兵官周玉將二千騎合大同總兵官許寧

國權

成化十九年

十三




擊之仍勅太監簡顯右僉都御史秦紘練兵防守其他諸將
俱令協守赴援選重臣二一自居庸關抵龍泉關一自古北
口抵山東海關歷視險易而區畫之上曰然遂勅侍郎李
衍何喬新巡視

降南京御馬監太監汪直等奉御威寧伯王越除名流安陸
南京工部尚書戴縉錦衣帶俸指揮使吳綬俱削籍右部右
侍郎張頤勒免時監察御史徐鏞等極論直奸惡乞明正典
刑籍沒家產為奸臣結黨欺國之戒命會官廷議俱請逮治
上曰直等結黨亂政欺妄弄權開啟邊隙排擯正直引用奸

邪當置顯侈姑從輕典

復馬文升強珍項忠職予致仕陳鉞居家置不問保國公朱
永有與主弗與敗

朱國楨曰國朝內監之患顯于王振別記稱其起儒學能
戢同類主土木滔天之罪一死未足塞責 英宗猶追思
立祠豈有他長可結主眷想當日承平既久大臣皆老于
位日浸潤媒孽取信汪直巧黠亦用此法而加甚焉凡小
人能乘人之所暗聲色貨利是也尤能乘人之所明耳目
齒頰是也天子居高聽卑喜聞外事而其人又以小忠小



信自固遂落其計覺有遲早禍有淺深惟大舜能察邇言
聲入心通善而寔惡是而實非毫厘千里本不易辨况其
言是其人非更有權衡必不能惑蔣琮有誅李孜者之功
肆毒于南其伎倆與直相上下至瑾而極至逆進而更極
振瑾没于賄餘三人獨否直琮有閣臣居中能奪聽否能
奪權罪止南遷逆進并太阿竊之閣部而下皆為之用故
其禍尤烈中間百年安靜 肅穆神三聖之識卓千古矣
鄭曉曰威寧出塞俘馘甚多自永樂以來惟此奪其氣一
時群臣忌功百方誣訕皆非實事也汪直自敬悼威寧威


寧不峻拒之亦未為過後人乃以威寧比陳鉞何其忍也
丙辰翰林學士倪岳侍讀董越主試順天 御史 嚴 寧 夏
壬申劉銳合宣府總兵周玉等敗 衆三千 以 督 師 不 久
乙亥巡撫寧夏賈俊為工部右侍郎順天府尹張海為太僕
寺卿
太監懷恩戶部尚書余子俊閱團營兵蓋擅賄賂買間應役
權要之弊

寧夏總兵官神英移延綏南京後軍都督僉事王受克副總
兵官鎮守廣西

國權

成化十九年

左



丙子叅將劉寧等遇于柳林卻之追至小鷓鴣谷及龍王廟溝皆有功監丞宣和敬同周玉副總兵江山等敗之大鷓鴣谷共擒八人斬七十五級

丁丑巡撫陝西阮勤為兵部右侍郎

戊寅分守延綏左叅將署都督^{指揮}僉事岳嵩為署都督僉事總

兵官鎮守寧夏

己卯禮部尚書周洪謨上言藥矢拒_上以有神槍不允

甲申南京大理寺右寺丞崔讓為左僉都御史巡撫寧夏

丙戌湖廣左布政使鄭時為右副都御史巡撫陝西

庚寅前軍都督府囚逸

九月壬辰誅妖人王臣臣錦衣衛千戶善妖術及百戶王完等

從太監王敬使江南凌轢官吏稱詔括取奇珍多索美女汚

之勒諸蘇州諸生錄子平遺集諸生忿而擊之巡撫王恕以


聞詔責敬已命太監段英來造藥梅冰梅恕奏止之紕及敬

至是還京東廠太監尚銘發其事下獄得寔斬臣梟示江南

敬成孝陵衛王完等戍開原肅州

甲午授貢士陳獻章翰林檢討許歸養獻章弱冠舉正統


科三上公車不遇即師吳與弼歸白沙閉戶靜息十年恍



焉有得游太學祭酒邢讓使和揚時此日不再得詩驚嘆曰
真儒復出矣羅倫莊昺皆定交給事中賀欽遂師之南還學
徒益眾廣東左布政使彭韶巡撫朱英各薦上吏部以獻章
聽選監生檄致之入京求回籍養母特授檢討以歸學者稱
為白沙先生按實錄謂以十絕句媚梁芳自是為世所鄙獻
章錄謂出張元楨筆王世貞史乘攷悞云其詆陳亦甚第不
曾載十絕句媚梁芳事

崔銑曰竊思儒道衰于我朝前輩若文清公吳康齋胡叔
心之三子造詣各等然篤學提身庶几儒矣成化中乃有
陳白沙起于嶺嶠矢志科場乃掇異學之緒炫以自居槁
首山樊坐收高譽近日效之者變異橫發恬無顧憚誕言
偽習錮害人心講論之悖不足與較矣

何喬遠曰予讀國史載獻章之學無以踰人嶺海宿學有
仕于朝者皆不之許獻章授官後稱病不謝而去途中擁
騶從列義槩揚得意聞者笑耻疑而不信取獻章所著
書讀之而後知也後車數十乘從者數十人古人舉動亡
也久矣末世耳目宜自異也所謂嶺海宿學謂邱濬耶
設遷曰邱仲深不甚稱陳公甫容有之仲深辨博一時無



兩公甫主靜則門徑異矣公車踈賤吳子傳布衣也應聘授左諭德公甫孝廉也應召授檢討尊德樂道比隆三代而好事之口輒有餘議至飢公甫謝梁芳十詩此何異許由竊逆旅人皮冠哉東湖獻朝北山騰誦今雖有華渭誰全之也


夜金星犯左執法

已亥雲南木邦宣慰司下孟密曩罕奏木邦侵擾乞別立安撫司命太監覃平右副都御史程宗往撫諭之宗受萬安私喻議右孟密巡撫吳誠言不可宗怒曰內噉此久正謂若

不能任尚敢爾宗率鎮巡就見曩罕奏于南牙山予坐曩罕弄知其意略不及木邦且求他地宗皆許之奏孟密歸地實未嘗歸木邦也自宗右曩罕弄盡屠木邦至掘罕定法先塚奪金牌信符西南夷切忿之益輕中國者跋扈者累年

史臣曰程宗雖承安風旨使當其時苟能以大義折曩罕弄之叛必欲退其侵地然後以官畀之猶之為近乃貪懦不敢出一語而汲汲奉之惟恐失其權此所以遺無窮之患也

田汝成曰孟密之亂譬諸蔓草樹以中官而灌以閣輔日



益滋長雖欲芟刈不可得矣

劉鳳曰宗以庸之致位顯榮無足言者特已命使出疆得專斷不俟報而西南事乃從中制貪者兆衅數年所殘傷不勝計且使輕中國恣其桀傲決夷夏防慎哉後所以馭荒服其無以浚利之臣也

甲辰命延綏副總兵李璵以二千人駐大同左衛左叅將范瑾宣府副總兵江山以千人駐大同都指揮祝璋等駐懷安游擊將軍馬俊駐天城都指揮吳瑣領京兵駐陽和各防胡已巳夜月食又大星自天倉流近濁後三小星隨之

丁未僧錄司左覺義繼曉乞旌其母朱氏孝行從之其母故娼也

戊申封祐欄都梁王聰涓樂川王聰注吉陽王當從魯世子當涓高密王詮鉢靈川王詮鉞唐山王


已酉禮部右侍郎徐溥兼翰林學士仍佐部

庚戌遼府肅寧王恩鈞薨年三十一謚悼靖

辛亥脩赤斤衛舊城并發粟賑番士

壬子翰林侍講李東陽為侍讀學士

癸丑初慶成王府鎮國將軍奇澗降慶人守晉恭王園至是



晉王鍾鉉請徙汾州守其祖慶成莊惠王墓從之
右都御史李裕右副都御史屠濬奏太監汪直偏信兵部尚
書陳鉞錦衣衛指揮吳綬報怨仇良右副都御史牟俸被誣
至謫死翰林侍講學士江朝宗以俸親調外巡視遼東兵部
左侍郎馬文升巡按御史王宗文強珍俱忤直謫戍調官給
事中趙良張善言工部主事方賓御史沃頰張銳陳遵毅按
察副使王齊亦忤直官杖下法司被綬文致或坐除名或
坐遠謫今直罪已露乞復諸臣故秩并乞召還 上以裕等
頗擾責之不引罪各停俸半年逮經歷李晟下獄

丁巳夜大星自天市垣近濁

流

己未夜大星光燭地自天苑流近濁

是月傳奉官十餘人上林苑監錄事邵文為薊州通判

十月癸亥錦衣衛帶俸指揮使王時除名隨父越編管安陸

丁卯金吾都指揮使盧欽為都督僉事

戊辰荆府都昌王見潭薨年二十四謚懷順

壬申南京太僕寺少卿于冕為應天府尹


召朱永還京

馬俊白金所統兵令太監蔡新御史郭鐘節制

國權

成化十九年

二十



癸酉兵部郎中劉大夏為福建布政使右叅政

戊寅撒馬兒罕貢獅使臣求賞如永樂例命加幣五使臣又加二幣餘人幣一

右副都御史程宗巡撫雲南時吳誠卒宗適在益審也

庚辰傳陞右通政李孜省為左通政

夜月犯軒轅火星犯氐宿金星犯房宿

前南京工部右侍郎李養卒養邱縣人貢士性敦厚年七十有五

壬午傳陞僧錄司左覺義繼曉惠昇為左右善世

前太僕寺卿楊穉卒穉湖廣咸寧人貢士在太僕任最久人安之

癸未禮部尚書張文質服闋署通政司事

定竊盜三犯律

甲申懷恩余子俊上團營兵數十六萬八千有奇

丙戌左都督趙勝封昌寧伯歲祿千石


是月傳奉官三十餘人巡檢董紀為上海主簿致仕知縣于寶為太常寺少卿

十一月丙申周府項城王子堰薨年五十四謚恭和

國權

成化十九年

主



戊戌編脩王臣為侍講

夜月犯太陰星

巳酉東垣王見瀕狎蒼頭吳安童為淫戲欲毒其妃不果
上切責之戌安童邊衛

夜月犯靈臺上星火星犯鈞鈴下星

壬子夜大星犯東咸星


癸丑傳陞太常寺少卿凌中為寺卿

夜大星自柳宿流天稷二小星隨之

甲寅吏科都給事中王瑞等言賞罰天下公器帝王所以驅

策群臣制馭四海者也 祖宗列聖法古為治設官分秩各

有定負自非功德才能難以俸取納粟冠帶起近年然亦榮
身而止俸竇如達鶩榮若市恩典內降始第京師藝術之人
今則漸及無容胥吏矣武階蔭叙始第內使有功之家今則
溢于外方白丁矣列文階者或待選未到便得授官或外任
雜流驟遷京秩除授有司戴武弁者世襲錦衣虛擔伯爵廝
養賤夫市井童穉並得黃綠蓋名器之濫至此已甚臣等伏
觀 英廟復辟之初懲景泰間倖用者多率皆斥罷 皇上
初御察天順初冒功者衆一切省除史冊書之天下頌之伏



乞斷自宸衷悉行革絕又三載黜陟各官賢否布按二司則
據巡撫等官揭帖餘官據布按二司揭帖或毀譽失真弊端
不一乞勅吏部榜示凡揭帖失實者連坐之 上報可

監察御史張稷等言比年以來末流賤技參廁卿列屠狗販
繒躡踐華貫靡識一丁濫班鷺齒不挾半云雜咏鬼置身起
布帛驟登金紫資淺歲月累晉秩階或有父子同堂而坐亦
有兄弟分署而居甚至逃軍逃囚易姓而冒進賍官賍吏
隱罪過以求榮一日而有數十人得官一署而有數十員帶
俸倖進大開奸計轉熾至有見任視事外補親民者未流已

極朝綱何在伏望 皇上大彰公道一清仕路以昭盛世平
明之理 上曰然命今後奏擾希進者罪之

丙辰夜大星自天中流雲中


十二月乙丑故禮科給事中林榮贈都給事中行人黃乾亨贈
行人司副各予祭廕子一入太學以使滿刺加還羊嶼風覆
舟死

壬申夜月犯五諸侯星

癸酉遼東措置邊儲戶部主事王佐奏近年文武官遷轉多
拘資格武臣任使多出請求是以汚吏債帥比而是乞吏

國權

成化十九年



兵二部嚴選各分三等文官則有官有為一等權之守有餘
才不足為二等仍舊任若拘守為三等僅降謫下此則罷之
武官勇略優長為一等使禦邊庶能為二等使者事才力不
及為三等使城守下此則調用然慎簡乃僚又在大同科道
上以其泛械入京

通事錦衣衛正千戶王英為指揮僉事

甲戌遼東缺嶺衛軍方賢乞免伍從之授御醫致仕

乙亥免太原平陽夏麥

戊辰免太常寺卿趙玉芝奔喪復任

甲申刑部右侍郎杜謙回任刑部右侍郎盛黻改南京

丙戌傳降于寶凌中為寺丞鄔存中為中書舍人左通政李

孜省為通政司左叅議劉恂器黃謙孫佐錢通劉鍾邵文董

紀周進洪廸俱奪官回籍毋匿京師朝論決之明日大雪


丁亥錄宣大功總兵官署都督同知周玉為都督同知署右

都督左叅將都督僉事劉寧為都督同知副總兵署都督僉

事周壘為都督僉事餘陞賞有差

壬子夜大星自氏宿流近濁尾跡炸散

是月傳奉官百六十人



國權

成化二十年甲辰

正月庚寅京師地震東盡遼陽西至宣大地皆震聲如雷宣府

地裂涌水天壽山密雲古北口居庸關等城堡墩駟多潰裂

壓死人

壬辰勅群臣曰朕夙夜政理治效未著地震京師天戒至矣

齋心滌慮省愆脩德爾文武群臣宜各痛加省改懋稱厥職


以毗朕心

國權

成化二十年

一

國家圖書館, NATIONAL CENTRAL LIBRARY, TAIWAN, R.O.C.



御史徐鏞何琬言 皇上修躬省德勅諭群臣罷貢獻貢慎
刑獄凡百事宜條示施行茲者大禮慶成故事有宴乞勅禮
部暫免以比古先王遇災減膳徹樂之意 上曰此祖宗定
制鏞琬不諳大體下錦衣獄謫鏞鎮原知縣琬 知縣是
年鏞赴鎮原遠歲飢鏞躬閱實以時賑給招流移擇薪水便
舍粥之疫大作藥之全活萬計造水車百餘輛汲水灌田再
歲災益甚除盜繕備邑政咸舉
遣樂舞生十八人齋香帛祭岳鎮海瀆免脩理沙河行殿
橋梁工役官軍五千人停各處燒造磚料減貢應三分之一
免大同去年災租十一萬四千餘石

欽天監火


吏部大計罷斥三千五百餘人

減雲南歲辦銀課三萬金四川五千金

乙巳 英宗睿皇帝忌辰 上祭奉先殿遣大臣祭裕陵退
朝顧左右曰 先皇奄棄天下忽二十年今晨行禮追念罔
極感傷予懷泫然泣下不能自已

己酉陳選為廣東左布政使

署東廠事司禮太監尚銘有罪屏南京尋追械還將窮治之



不果弟令南京守備太監杖之百戍孝陵種菜

吏科都給事王瑞等奏尚銘舊為太監汪直所引得入東

廠近為太監李榮蕭敬所引得入司禮監榮昔使大同嘗黨汪直隱蔽邊情敬使湖廣所過貪殘無厭司禮監機密重地也豈可同惡相引以損聖治 皇上置銘于法中外大臣悅謂不去榮敬後患未已 上曰有處

浚薊州河

科道官言內臣犯法既不能免若趨附外臣置之不問則內外之勢偏小臣有過尚不可容若通賄大臣寘之不完則輕


重之倫夫外臣所以交結內臣者無非需求于小臣小臣所以奉承大臣者無非剝削于民庶惟察外臣結內臣之奸下民受上官之害然後國法昭明朝綱振肅臣謂尚銘既以賄賂宜追究其通賄者 上怒其無指名召而將杖之已解命太監懷恩數責之初汪直薦銘直敗銘獨擅勢鈞名陰狡賣官鬻爵羅至富室以得重賂已又謀入司禮至是籍家貲數萬送內府累日不絕

二月丙子詹事兼翰林學士彭華左春坊左庶子劉健主禮閣甘肅總兵官王壘調大同范瑾調甘肅

國權

成化二十年

三



廢陽曲王鍾鏞為庶人

免延安去年災租

誅張成成洗改黃冊

卜屯黃花嶺整京營兵赴之都督同知白瑜充游擊將軍率
指揮閻斌往鴈門關等處接伏署都督楊玉充左叅將率指
揮王宣往朔州等處接伏都督同知李俊充游擊將軍率官
軍往宣府接伏命余子俊為兵部尚書總督大同宣府軍務
兼督糧儲

復設保定巡撫以大理右少卿侶鍾為右副都御史巡撫保

定真定兼提督紫荆等處關隘

南京刑部右侍郎盛顯為右副都御史巡撫山東


三月戊子朔廷策貢士儲瓘等三百人于奉天殿賜李旻白銀

王勅等進士及第出身有差

大同兵擊卜敗之

光祿寺火

處士吳居仁卒居仁字叔心餘干人幼有大志從安仁子同
業帖括厭之改師吳與弼歸溪隱梅溪親卒喪塋俱依古典
其學主忠信求放心而終于主敬因日敬齋處家庭如朝典



所著居業錄大率躬行之言也年五十一學者稱敬齋先生
陸瑞家曰本朝理學之臣胡叔心完璧也席珍懷待聘之資
遜世憂閑之致羅欽順稱其大類尹和靖萬歷中從祀孔
子廟廷謚文敬

卜酋克失及小王子收近塞定西侯蔣琬總京營兵往備
總督尚書余子俊乞築宣大邊堠從之

免淮安去年災租

四月丁巳朔脩天壽山陵及居庸關隘地震損墮者
增山西按察司副使僉事各二人往宣大督糧脩邊

朵顏等三衛以下首招誘拒之來告慰諭加賞

立殫忠效義二營選京衛舍人餘丁萬二千入實之


卜入山西禦卻之

乙亥御史十人分往畿省清軍

孟津王見葱有罪褫爵

浙江按察使楊繼宗為右副都御史整飭永平山海邊務兼
巡撫順天

癸未南兵京部尚書陳俊改京吏部巡撫江南兵部尚書
王恕改南京兵部尚書禮左侍郎李本為尚書南京部吏右



侍郎尹直為南京禮部左侍郎貴州左布政使彭韶為右副都御史巡撫江南江南自設巡撫來凡一甲子獨恕與與周忱以十八年恕不二年其久與暫不相當然忱彷彿姚元之恕則賢于宋璟矣

脩貴溪象山書院祀宋儒陸九淵兄弟歲一祭九淵裔孫崇請之也


五月丁亥朔都察院經歷李晟言邊務兵機各五事

前南京刑部尚書周瑄卒瑄陽曲人

贈太子少保謚莊懿

岷州地再震

番禺縣隕大星聲如雷散為大星十餘天地晦黑久之已亥起兵部左侍郎馬文升為左副都御史巡撫大同大同總兵官許寧掩敗之事聞命與巡撫郭鐘鎮守內官蔡新下獄論死降寧羽林衛帶俸指揮鐘射洪知縣新降先是寧與威寧伯王越更鎮也郭鐘餞越曰許寧雖經戰陣守已撫下然非統馭才朝廷用之必僨事鐘不為意至是始服



王越之先見

兵科給事中張晟行人左輔往封滿刺加國王先遣林榮等舟溺不至

上警勅各邊戒嚴選京營兵赴宣府大同

免慶陽水災田租六十萬五千餘石

代州地一日七震

六月丙辰朔南京兵部右侍郎萬翼乞改北便養許之尋改兵部增軍政官二人輪操設雲南孟密安撫司徑隸雲南布政司以夷婦囊罕弄子思

柄為安撫司使撫諭諸夷還侵地

宥右都御史李裕右副都御史屠滹罪調裕南京下御史于壁錦衣獄以行人司副張瑾從獄中奏辦上責裕等疎獄使知外事也裕等委罪壁故訊壁亦宥之

召總督兩廣軍務兼理巡撫右都御史朱英領院大理寺卿宋旻為總督兩廣軍務

七月乙酉朔加賞宣大役卒


泰寧等衛請從開原入貢不許舊自喜峰口

承休王芝垠禡爵

國權

成化二十年

七



始命大臣考滿一子自陳入監

秦州知州傅昂陳救荒事宜行之

巡撫陝西右副都御史鄭時等奏陝西連年水旱至今益烈
餓殍盈途或氣尚未絕已被割食乞暫停歲課物料下工部
覆奏 上曰閔中屢凶民死徙不能保其命朕甚憫焉歲辦
物料即止之

遼東廣寧報警勅鎮守太監常朗總兵官維謙巡撫左副都
馬文升等嚴分守諸將練兵防下 并行薊州永平山海 御史
察雲古北口黃花鎮等關嚴為備


以傳奉官多增京班皂隸二百七名俱畿內河南山東山西
取之

傳奉近官太常寺卿陳敷奔親喪訖仍直內府

八月乙卯朔代王 妄請封號奪俸祿

前左府都督僉事董宸卒

總督宣大尚書余子俊作戰車大同千輛宣府五百輛車間
用鹿角榨塞其闕上言宣大平曠車戰為宜萬人為一軍戰
車五百餘輛用步軍五千人駕拽行則縱以為車止則橫以
為營下營對壘彼用弓矢百步技擊我用鎗砲且有威勢如



相持過久彼將分投我則出兵或過其驕橫或尾其情歸運
有足之城策不餉之馬此萬年守邊簡易之策也回上兵車
營圖五說從之
傳陞工部司務高鳳為都水司員外郎鳳善星命得傳陞視
事自此始

勅陝西山西河南鄖陽各鎮守總兵巡撫等官招携捕盜及
更賢育民凡可安靖地方者聽便宜行之事重者奏定

科給事中李孟暘行人葉應往封前占城國王槃羅茶悅
弟古來比行孟暘言占城險僻安南之構兵未靖而提婆苔

又嘗竊據萬一不順損中國威宜縱其來使傳命古來仍勅
安南悔過從之明年遙擢孟暘都給事中留廣東 年卒致
古州來崖州封之

壬申金木星俱晝見

總督漕運右副都御史徐英卒 人景泰丁丑進士

禁遼東武臣役占屯田軍士

調湖廣糧十萬石于陝西備荒


嚴鎮邊官軍逃亡冒支糧賞之禁

九月乙丑朔日食

國權

成化二十年

九




久旱遣吏部左侍郎耿裕禮部左侍郎徐溥祭告西岳西鎮
西海并中岳大河之神

太監趙陽乞兩淮官鹽二萬引黃治劉闔各二萬引李景一
萬引戶部左侍郎潘榮言今西北用兵東夷有警山陝河南
災傷備邊救荒措置無從陽等不節用上紓宵旰之憂重違
榜禁伏望處治 上曰此曹朦朧累奏偶爾曲從實非朕意
鹽課國法也豈可請乞得者並不許闕支違者論如罪


都察院經歷李晟方今攘夷有大勢有先後務在國初都燕
京山後控三邊得御夷形勝其時北邊地荒且人稀我方強

盛衰弱不敢來即來亦無所得今承平既久士馬多耗人
畜頗豐又適熾小入小利大入大利出入無常倉猝難備
至而後應勢每不及此大勢有未便矣加以將怯兵弱來既
不敢迎擊去又不能邀擊此先務有未得矣臣謂審大勢在
固外藩急先務在用舊臣所謂固外藩者臣聞威寧海子可
耕可牧去大同僅二百里在元為要地今棄為衝也請城
其中以二萬人守之翼以墩堡令無事屯牧其間約近吾
北則出奇以遮其前過吾南則會勦以乘其後非惟門庭愈
固而飛輓之費亦可漸省苟謂人力不及兵勢難分亦當城



大同近北城量戍以兵使一觸藩可從犄角朵顏三夷衛
當繫之以術俾藩于東不宜徒以空言相諭哈密都督當封
以王俾藩于西不宜徒以金印未得久失事機至于河套廣
袤千里土厚物蕃不宜棄以資寇今陝西飢民多徙荆襄若
使邊臣按視其便守其要害據其水草且燒其餘使不敢
入乃大招流民但耕牧以資糧馬盡閱丁壯但射獵以習戰
鬥不數年民皆戰士地皆樂土既免荆襄之嘯聚又奪寇
之巢穴自河以東至山之後屯堆相望首尾相應豈不強中
國之勢哉所謂用舊臣者邊事非老成人莫可仗今山後有

余子俊遼東有馬文升獨延綏而至甘涼無一重兵鎮撫臣
聞前吏部尚書李秉兵部尚書王竑右僉都御史高明威寧
伯王越力材可用威名素著秉竑嘗有薦以老而寢明頃起
用以疾而還然昔老趙克國韓弘皆成功老病之日越坐開
邊被劾乃後來劾其可罪之人即前日議其可封之人同事
異至今未定臣謂即令越有罪功亦可贖今若起此數人
使與文升子俊各當一面則三邊之勢壯而中國之威強矣
上以晟泛言煩擾下錦衣獄調漢陽府通判
已亥夜月食



復李震興寧伯

澤州星隕聲如雷

巡撫山西葉淇奏山西游災平陽逃亡五萬八千七百餘戶
內霍邑猗氏兩縣男婦餓死六千七百餘口蒲絳等州臨晉
等縣餓殍盈途不可數計父棄其子夫賣其妻甚有全家聚
哭投河而死棄子女市井而逃者雖設法勸借加意撫卹其
茶給散不周乞發太倉銀備賑 上從之發帑金三萬付淇
賑之

釋土魯番餘黨于甘州獄從罕慎之請既克復解仇也

余子俊兼督偏頭關節制山西鎮撫


甲辰 皇八子祐棖生德妃張氏出

卜復入河套

十月乙卯給空名度牒一萬于山陝令民輸粟十石度為僧道
刑部員外郎林俊奏太監梁芳招權黷貨貢獻淫巧引用妖
僧繼曉左道惑上建永昌寺傾竭府庫貽毒生靈請誅之以
謝天下下錦衣獄杖三十謫姚州判官
索土魯番所掠哈密金印

復雲南高明州舊治

國權 成化二十年



江西武寧奉新盜起

後軍都督府經歷張黼上疏論救請釋用林俊忤旨下之獄杖三十調師宗州知州成化壬辰進士知涪州愛民如子遷經歷

卜入宣府

免太原平陽旱災田租四十八萬八千餘石

罷雲南銀坑

丙辰封都督同知王源瑞安伯皇后弟


河南旱飢

巡撫江南彭韶薦前兵部尚書項忠不允

錦衣衛都指揮使萬喜為後軍都督同知指揮使萬達為都指揮同知萬從善為都指揮使百戶萬牛兒為指揮僉事從善甫二歲故指揮萬通廢子而牛兒甫四歲其養子也

是月傳奉官六十三人

十一月甲子朔彙顏衛都督阿兒乞蠻遣其克影克字羅送多獲北卜生口兵部譯審牧卜也 上曰夷卜牧放為生追逐水草具常事何罪之足誅其編戍之賞字羅以慰其勞仍諭三衛貢夷毋得貪掠啟釁



增山東按察副使一負于遼東

通玄翊教廣善國師繼曉乞歸養母許之命母終仍供職
傳加吏部尚書尹旻太子太傅取中書舍人杜昌文華殿辦事
凡加大臣保傅皆賜勅旻獨出傳奉又與杜昌同時受命
前此未有也

萬金^全右衛百戶常瑛伏誅瑛附汪直、敗調外撰效言誣平
人謀逆走報太監張善毒訊誣伏及會鞫皆枉 上曰除惡
務本此曩日罪當死者宜亟斬之梟示萬全右衛天下聞而
快焉

日本入貢

再發帑金十萬河南糧五萬石賑陝西

總督宣府大同軍務戶部尚書余子俊言、
適請班師命太監張善定西侯蔣琬悉統京營兵還京子俊暫留總督令冬
末具奏而還


傳旨戶部尚書殷謙禮部尚書周洪謨施純劉爰兵部尚書
張鵬刑部尚書張釐工部尚書劉昭右都御史朱英俱進太
子少保

山東早免災租

國權

成化二十年

十四



南京戶部主事張倫請運糧二十萬石自河州至汚池備山
陝賑濟即以倫督之

月是傳奉官三十七人

十二月甲寅朔預度僧道六萬人救飢山陝

工部左侍郎杜謙率郎中蕭冕員外郎李濬浚運河

召余子俊還京

戶部左侍郎李衍理陝西邊儲

詔開中兩浙鹽課給三邊發江南折糧十五萬金并關中兩
淮山東四川鹽課二百萬引于陝西榆林等處給邊儲


會寧縣地震

傳陞耀州判官張善吉為兵科都給事中善吉初以兵科左
給事中謫託太監高英進方術 上召見賜對命下士論賢
然

旱災免河南田租十七萬五千餘石

卜入大同西路分守右叅將張璽右少監陸閻禦之玉林山
墩繼入代州境分守右叅將都指揮支玉與太監劉政禦之
寺塢等處皆有功並論陞賞有差

卜入宣府境殺百戶



彙顏三衛數掠戒諭之

延綏兵燒荒殺于下

命廣東有司歲祭故巡撫右僉都御史楊信民祠

是月傳奉官三十餘人

是年徐州婦肋下生瘤久之漸大兒從瘤出

國權

鹽官設遷孺木著書

成化二十一年

正月甲申朔申刻有火光自中天少西下墜化白氣復曲折上

昇聲如雷踰時方西大星如碗赤色自中天流近濁尾跡化

白氣曲如蛇形良久正西轟如雷震地須臾止


丙戌勅群臣直言

廣東惠州酉刻月下發光大餘色黃白氣自西飛東北有聲

如雲如雷

國權

成化二十一年



國家圖書館, NATIONAL CENTRAL LIBRARY, TAIWAN R.O.C.


丁亥姚安軍民州判官林俊仍刑部員外郎師宗知州張黼
仍左軍都督府經歷俱南京時星變梁芳繼曉懼言及乞內
降從之

戊子太監傅恭仍總制三大營兼提督十二營

夜大星犯太陰星


己丑大臣科道各應詔言事吏部尚書尹旻言二事曰裁傳
奉官二千餘人放回進士二百九十七人依親省支俸上
報曰傳奉文官除勲戚外餘如所奏進士准回戶部尚書余
子俊等言八事 上報曰節財用朝廷自有處置漕糧已糶

百萬石姑已之官首月俸仍舊倉場內官已令司禮監查取
餘如議禮部尚書周洪謨言九事 上報曰禁奢已侈行矣
供應牲畜所司查奏節省法王佛子國師禪僧師番僧供給
裁其半今後漢人冒入者必罪方士已令都察院禁之私闖
發回原籍原衛餘如奏兵部尚書張鵬言五事 上報曰傳
奉軍職自勲戚功蔭外餘令冠帶閑住有為事妄冒並乞恩
陞授者查奪匠官藝精者留之支三俸內地鎮守監槍守備
等官具名以聞餘如議刑部尚書張縉等言六事 上報曰
惜薪司柴夫光祿寺買辦已行矣鎮守內官已令兵部查奪



其奉勅預詞訟者今不許餘如議工部尚書劉昭等言三事
上報曰如所議右都御史朱英等言八事 上報曰內府白
糧不必委官監收止依例斛一尖一平收納投獻地土及倉
場等處量留內臣管事各總兵遇節進馬副叅等官不許進
土產止鎮守一人進之餘不許今後賣香白內官不必差文
官降斥者置之邪術榜禁餘如議署通政司事尚書張文質
等言四事 上曰廢弛政事者無主名具置之餘如議大理
寺卿田景陽等言四事 上報曰災重地方已免糧矣餘如
議吏科給事中李俊等言六事近偉干紀也大臣不職也爵

賞太濫也工役過煩也進獻無厭也流亡未復也 上報曰
梁芳常興姑陳善姑已之歐謙張鵬艾福杜銘李本劉俊張
鑿田景陽張瑄尹直李溫俱留令各省脩李汝省降上林苑
監左監丞鄧常恩降本寺 丞繼曉革國師為民追護勅其
餘已處分矣浙江道御史汪奎等言六事 上報曰謫調考
察官推大臣理鹽法俱已之鎮守等官已令兵部查奏定奪
藍忠張慶蔡用還移文使知之馬顯宋欽馬馴魯能設倫趙
文博杜謙俱留任提督坐營內臣仍舊內外官占役軍匠令
科道官覈之遣官賣帑銀賑飢戶部勘詳以聞



庚寅詔曰朕紹祖宗大位罔敢自豫然治效未臻災沴疊見
地道弗寧天時亢旱當齋心懇禱遣告山川柰何歲竟不登
河南山東畿內率多災荒陝西山西尤甚至棄恒產家室不
相顧元：何辜罹此厄朕為民主可愬然莫之愍耶累博
採群議發帑儲助賑不意冬春星變有聲朕愈做惕勅群臣
備陳時政得失採納而行用慰民望以答天心方春時和萬
物發育祇承乾元資始之仁誕敬寬恤之典所有合行事宜
條示于後云：嗚呼君以愛民為德懷保惠鮮之政當施臣
以輔治為忠還定安輯之務宜勉必上下極交脩之誠庶寧

蒼有昭假之效

卜三千餘騎犯延綏游擊將軍董昇等追敗之

癸巳廣西太平府地震有聲

乙未 上南郊

翼城絳縣陽城垣曲等縣飢民多盜命鎮撫等官宣諭果不
服勦之


丙申馳報卜五千餘騎又犯延綏把總指揮僉事朱祥等追
敗之謝家山明日又敗之斬三十四級

己亥英國公張懋等言事 上報曰倒失馬自去年以前免

國權

成化二十一年

四



追邊海軍糧許月支八斗武秩休致減俸及軍士種菜如舊
内外文秩官添設者兵部查奏定奪京門及京通倉場各馬
房蕃育等署增設内官司禮監查正統例舊數量留蒞事餘
如議

甲辰周府鄆陵王子聖薨年六十一謚安僖

乙巳免北畿去年田租

遣賑陝西河南山西總督陝西軍餉戶部左侍郎李衍兼理
賑濟刑部左侍郎何喬新往山西工部右侍郎賈俊往河南
吏部郎中吳岷戶部郎中翟通馮續金廸禮部員外郎王溥

兵部員外郎朱瑄刑部員外郎許弼吳欽廖中李燧工部員
外郎吳郁大理寺正李遜分往畿內發帑金二十五萬

丁未京師陰霾

戊申軍器局匠金福奏正統間本局軍民匠五千七百八十
七人止太監一内使一工部侍郎一提督近來人匠逃去止
二千餘人監督内臣至二十員多各官占用乞減提督冗員

清占匠從之 内地鎮守等如舊官


夜大星青白光燭地見太微垣外

辛亥給陝西飢民牛種

國權

成化二十一年

五



二月甲寅昏刻月犯昴宿

乙卯量免襄陽 等災祖

已未吏部奏列傳奉除勲戚功陞廕授外通五百十四 應詔
人御筆點留六十一人如太常寺卿陳敷趙玉芝太僕寺卿
朱奎通政使蔣宗武左右通政施欽任傑朱睿李景華張苗
顧倫雷普明太僕少卿李綸光祿少卿于信尚寶司卿仲蘭
楊杞少卿嚴勲太常寺丞陳晉蔣釗吏部又列傳奉官為事
妄冒者御筆點留五人上林苑監丞李孜省尚寶司丞邱倫
太常寺丞于寶中書舍人鄔存敬冠帶儒士楊纘兵部奏傳

奉傳勲戚功陞廕授外通五百三人御筆點留五百九十四人

乙丑徽王見沛累請鈞州稅課及黃岡庄田不許

丙寅復命戶部尚書余子俊兼左都御史總督宣大軍務糧

儲以總督倉場殷謙理戶部事


昏刻月犯靈臺上星夜月犯上將星

丁卯夜月當食不食禮部劾署欽天監事康永韶春官正李

宏等推筭不精宜罪命奪月俸

戊辰翰林侍講焦宏為侍讀學士

己巳募四川人納粟補散官庚午夜月犯鬼宿



壬申巡撫遼東馬文升言十事 上從之

安泰州地震夜遵化地再震聲如雷

癸酉進士邵誠李濛方尚王琳為南京給事中

平陽地震夜月犯心宿

乙亥順天府治中陳翼言三事 上從之

丁丑免陝西去年麥六十四萬四千六百餘石

己卯召大同備冬左叅將楊玉游擊將叅馬俊領兵回京

庚辰巡撫宣府右副都御史李岳請暫停脩邊下余子俊酌之

辛巳詔各邊練兵

鎮守通州都督同知陳達卒合六人沉鷲有謀景泰初薦進都指揮僉事守通州有聲天順初獨收于謙屍襄事人義之卒賜祭葬

三月壬午朔泰安地再震如雷太岳山動搖丁亥又震

甲申免萬全都司屯租

戊子大名風霾晝晦已大風雨至丁酉至


己丑南京吏部尚書陳俊等應詔言二十事 上報曰文武

醫匠等官取回支益內官家人并禁造寺觀降調官已處置

國權

成化二十一年

七



矣板枋免運一年大勝等關官軍令守備太監擬定築器俟
燒完停止餘如議

南京工科給事中邱璐等言十二事御史郭霽等言十事俱
下所司

昏刺月犯五諸侯星夜番禺南海大風雷電壞民居萬餘楹
死千餘人

庚寅御馬太監李良監五軍營兼提督十二營

壬辰徽王見沛乞起復長史董彝不允

癸巳泰安地復震乙未庚子連震

太常寺卿田景陽致仕

命借山東去年今年官監易糧又令各郡縣立社倉備賑從
馬文升之言


乙未令都察院榜禁西山山場不取許鑿石取煤
禁奸盜

丁酉 皇九子祐樨生母恭妃楊氏

自正月至是風霾不雨遣告郊社山川

壬寅前中軍都督同知韓志辛昌黎人年八十三

太原平陽曲沃榆次俱地震聲如雷邠州再震明日又如之



皆有聲

己酉廣東按察閔珪為右僉都御史巡撫江西時多盜
延平府同知劉瀚為漳州知府

辛亥右軍都督同知陳瑛率步卒三十萬運京倉米十萬君
于宣府

四月壬子朔巡撫甘肅曹能憂去


監生虎臣請賑飢去貪 上是之麟游人後任礪嘉知縣不
受賂為上官毒死

乙卯刑部員外郎朱臨改御史

丙辰傳陞太常寺少卿康永韶為禮部右侍郎仍署欽天監
事永韶凡占候曲蔽至言今春星變當有大災賴山陝等處
飢殍應之此誠聖福無他慮矣 上是之
丁巳免大理曲靖水災田租
己未申溺女之禁温州訓導鄭璟言浙江溫台處好溺女宜
禁下禮部都察院言寧波紹興金華江西福建南畿皆然遂
有是命

庚申雲南左布政使唐瑜為右副都御史巡撫甘肅

癸亥烏思藏闡化王等來朝時四百六十二人四川守臣格



以新例止納百五十人禮部以順其情槩納之為後兩貢之數報好

戊辰命兩京錄囚

庚午巡撫南畿彭韶改大理寺卿

辛未勒巡按宣府御史晏倪進賢致仕進賢繼妻兄錢金挾其陰事來謁見拒遂嚙其左指進賢下之獄事聞免官戍金于大同進賢成化丙戌進士選庶吉士貪淫不檢謫事萬安士論耻之
癸酉命御史三人權杭州荊州蕪湖竹木以工部官娖弊也

甲戌免濟南兗州東昌去年災租三十七萬七千三百十四餘石鳳陽淮安夏麥二十萬餘石

乙亥福建左布政使李嗣為右副都御史巡撫蘇松

己卯翰林脩撰吳希賢為左春坊左諭德太僕寺少卿韓定為寺卿

閏四月壬午開城縣地震


癸未蘭河洮岷鞏昌固原俱地震

甲申太子少保禮部尚書施純卒字彥厚東安人成化丙戌進士選庶常改戶科給事中歷鴻臚寺卿善為客驟進禮部

國權

成化二十一年

十



右侍郎至尚書前此未有也怙寵越守士論少之五年十一
無子賜祭葬

丙戌伊府方城王諲鑣薨年三十五謚懷僖

己丑分守代州右叅將都督僉事史玉以疾召還大同東路
右副總兵都督僉事周璽分守代州

庚寅都督僉事慕勲以安報功降指揮同知

辛卯傳內官監太監李榮鎮守山東代太監常煥已復榮司
禮監命往南京守備煥仍山東

傳陞羽林前衛副千戶楊玉為錦衣衛正千戶御用監太監

廖恭姪玘為錦衣百戶

壬辰未刻開化清豐金鄉忽黑雲天半雜五色須臾晦甚風
雨雷電交作仆屋拔木傷禾稼

癸巳遵化地震有聲甲午乙未連震


甲午趙府臨漳王祁峯薨年五十五謚恭安

丁酉進士韓鼎簡琦王敞為禮兵刑科給事中

戊戌廣東市舶司提舉江朝宗復翰林侍讀學士致仕

許諸生納粟入監

辛丑兵部尚書張鵬致仕



丙午故南京戶部尚書黃鎬贈太子少保謚襄敏

丁未戶部開輸納事例濟飢


太監席敞先伏誅

五月庚戌朔巡撫順天楊繼宗以管河治中陳翼訐奏調雲南按察副使翼海北監課司提舉繼宗執法不阿戚官有侵占民田者奪還民以是府怨內臣從中構謫之單車之任適峒獠亂官軍不能下翼毅然往諭獠皆羅拜曰聞公名久矣今某等再生日也詰其生亂之故奏治之獠忻悅聽撫乙卯大理寺卿彭韶為右副都御史巡撫順天

丙辰廣西都指揮使邢斌為右軍都督僉事

戊午工部主事張吉調景東府通判刑部主事李旦調鎮遠府通判御史汪奎調夔州府通判工科都給事中盧瑀調長沙府通判刑科給事中秦昇調廣安州同知工科給事中童祝調興國州同知俱應詔直言吏部承密旨外調之吉疏尤謹留中不出

設遷曰 憲廟值災異惕然更始降李孜省鄧常恩削繼曉免租拯困有止輦受言之風及章疏如織規繩日功多密諭冢宰擬于投荒俾上不礙其轉圓下無齒于斥仗訖



訑者、于斯為巧雖然亦冢宰將順之過也引君當道如

宋璟李沆其人庸以私旨靡之乎哉

泰寧侯都督脫、字羅弟搜失得屢勦寇授泰寧衛正千戶
辛酉免淮安鳳陽揚盧徐田租米豆二十九萬三千三百九
十六石

壬戌萬全永寧衛隆慶衛龍門所地震夜京師再震


癸亥廣東左布政使陳選以撒馬兒罕往滿刺加市獅入貢
上言西域貢獒召公進諫越裳獻雉周公致規蓋不惟防玩
好之漸實以杜窺伺也後貌本非澤國所產彼假以求索驚

擾寰中貽饑海內是 陛下忽細行而為大德累也乞賜罷
從之

乙丑前太子少保左都御史李賓卒賓字廷用順義人正統
乙丑進士授御史有伉直名歷太僕卿右副都御史天順初
改大理卿進右都御史成化初改南京兵部尚書三年改左
院持重不妄言其議處荆襄流民尤得策贈太子太保予祭
葬謚襄敏

丙寅申王府官坐罪事例

丙子京師流移日集下京縣及五城兵馬司月給米大口三



斗小口斗五升

已卯改余子俊兵部尚書仍總督宣大軍務糧儲令防秋畢還朝

巡撫保定佶鍾為刑部右侍郎

六月辛巳戶部尚書兼督糧儲殷謙初代余子俊暫理至是中旨專戶部尚書

定武臣納粟許子孫襲秩例歲盡而止


丙戌增會昌雩都龍南安遠新豐瑞淦石城縣主簿專捕盜戊子周王子陞薨年六十三謚曰懿

庚寅南京兵部尚書王恕奉詔請裁錦衣衛內官子弟二十七人不允

壬辰前軍都督同知袁彬調左府以忤新寧伯譚祐也

癸巳故贛州同知王廷桂贈江西布政使左叅議初勦武平賊死之錄其子國子監百戶鄒顥小旗王剛軍人烏等俱死賊陞級世秩

甲午前太子少保戶部尚書楊鼎卒鼎字宗器威寧人正統己未進士授編修己巳改御史分守兗州還復任進侍講兼左中允尋進戶部右侍郎天順初進左成化戊子進尚書苦



學善設論在戶部頗不樂致仕昂能守官惟開鑛差可議也
年七十七贈太子太保謚莊敏

壬寅錦衣衛舍人沈震請納粟補官不許

乙巳免河間夏麥

丙午前太子少保工部尚書王復卒復字初陽固安人正統
壬戌進士授刑科給事中進通政使叅議己巳使乜先克禮
部右侍郎還進右通政通歷政使兵部左侍郎成化初進尚
書巡西陲言事多合復雅志冲沒值事有條理具大臣體度
且好古嗜學不事矯亢以德量終年七十贈太子太保謚莊

簡蓋公典也

七月庚戌撫治鄖陽右僉都御史王濬卒威縣人成化丙辰進
士授御史王越薦陞南京右僉都御史未任改巡撫甘肅憂
去起鄖陽素不愜衆望年五十五予祭葬
壬子召賑濟山西刑部右侍郎何喬新等入京喬新奏豁田
租勸分得銀數萬兩粟數十萬石河渠壅者僦飢民疏之償
以粟凡活二十萬餘人復業者十四萬口


癸丑署光祿寺禮部右侍郎艾福致仕

丁巳夜月犯星宿

國權

成化二十一年

十五



戊午荆襄總兵官署都督僉事王信為都督同知

壬戌許余子俊脩宣府大同偏頭關邊牆期明年四月肇工

乙丑雷白縣地震夜月犯壘壁陣星

丙寅停陝西鎮守官例貢獻一年

丁卯諭都察院嚴考回道御史

己巳夜月犯房宿

太子少保右都御史朱英卒英字時傑桂陽人正統乙丑進士授御史忠實儉約善屬文佐藩廣東即有聲總督兩廣殫心邊事年六十八贈太子太保予祭葬謚恭簡

李東陽曰廣東西地自大藤峽之捷民物凋敝府藏空竭識者蓋深憂之吾聞朱公益政專事儲蓄數年間所積金為數十萬流徙還業者四十餘萬以脅從獲免鋒鏑者不可勝記其有功于國家甚厚傳稱君子能國仁人利溥豈不信哉方入長內臺議弭災策時曹分條悉所陳或為秉筆者所沮楊中書一清上記說之公即命肩輿進議所力申前說雖未悉施其所負亦壯矣


庚午選教坊司樂工

辛未增臨清州判官筦河

國權

成化二十一年

去



癸酉行人常新曹磷劉壤許銳謝瑩文瑞史簡張瓚推官包
裕知縣丁隆楊縉王弘歐陽復王明呂炯陳穀郭資為試監
察御史

甲戌右副都御史屠瀟為右都御史大理寺左少卿馮贊為
右副都御史

乙亥傳陞沂州知州朱義南京工部郎中時太監梁芳開礦

山東採丹砂義曲事之遂被薦

代府隰川王任璿薨年四十一謚恭僖

八月己卯朔日食

庚辰鎮守湖廣都督同知王信充總兵官提督漕運仍鎮守

淮揚巡撫遼東右副都御史馬文升為右都御史總督漕運

兼巡撫鳳陽

南京金川門草場火

壬午傳陞錦衣衛指揮同知萬安為後府都督僉事副千戶

萬祥為指揮同知正千戶徐達為指揮僉事世襲舍人丁安

萬泰王賢俱百戶


召賑濟河南工部右侍郎賈俊還京

甲申前撫治鄖陽大理寺右少卿吳道宏為南京大理寺卿

國權

成化十一年

七



乙酉後軍都督同知馮昇為平蠻將軍總兵官鎮守湖廣
丙戌傳守備西寧都指揮僉事王義協同田廣筦事守備臨
清都指揮僉事昌佐守備儀真

戊子巡撫甘肅右副都御史魯能卒能字千之新會人景泰
甲戌進士授戶部主事朴實勤慎所至無廢事予祭葬

己丑順天府尹劉潺為右副都御史巡撫遼東

乙未岷府安昌王膺鋪費年五十一謚懷僖

雲南左布政使吳玘為順天府尹

夜大星赤光燭地白河鼓流紫微垣七小星隨之

庚戌禮部定京省僧道之額大約僧不越五萬道士二萬度


己亥兩淮巡鹽御史王相亮暴下刑部獄謫雲南寧縣丞

壬寅岷州地震

乙巳賜太監陳珪浙鹽萬引

封彌錦唐世子彌銀郾城王彌鎬衛輝王楚府均鋤江夏王
藩府銓錫宜山王淮府見澱清江王荆府祐楮虞城王祐橙
潞安王冥鑿洛交王祐桓懷安王同鑿鎮安王見渥洛川王
丁未禮部尚書劉爰致仕

使滿刺加國史料右給事中張晟卒于贛州命行人左輔即



廣東選七品有司官一人往

韓王偕藩奏群牧所千戶朱政曾祖信年百八歲而終祖百二歲父鏞八十二俱正千戶致仕壽出一門乞表人瑞命有司勞羊酒進階宣武將軍賜米布

是月建文帝女卒于高墻女建文庚辰生年八十六

九月甲寅趙府湯陰王祁鋤薨年五十四謚莊僖


都督僉事王義卒

丙辰永順伯薛勳都督僉事莊鑑領果敢等營

廉州梧州地震至甲子止

丁巳南京禮部尚書李本卒字立之富順人正統戊辰進士授檢討歷侍讀太常少卿禮部侍郎性質直慷慨不拘小節晚在禮部頗自縱或劾其冒功浮沉非定論也予祭葬庚申傳陞鴻臚主簿萬鎰通政知事萬燾俱為中書舍人初下數萬寇偏頭關山西叅將都指揮僉事支玉等戰各有勝負斬十五級獲馬九十六失卒四十二人傷百五十九人見劾玉自陳其勞苦命奪祿半年

前巡撫山西右僉都御史李侃卒侃字東正東安人正統壬戌進士授給事中進都給事己巳之變多直言易儲時又洒



汨進詹事天順初改太常寺丞憂去起原官進少卿尋撫山

右固園廣儲尋憂去好學嗜書家貧甚年七十九予祭

辛酉夜月犯外屏星

甲子太子太保謹身殿大學士劉珣致任初珣事 上東宮

及即位屢進清秩至是先一日申刻傳召閣臣萬安劉吉赴
西角門珣欲往闈人止之安等與太監覃昌出御札啟之則
人訐珣陰事曰嗜酒貪財好色等事安等驚曰此輩章何不
火之乞太監保全左右馬昌曰聖意也安曰珣親老令珣自
休致耳昌曰然明日珣乞休予之不及養親 上怒命昌出


詰安安曰珣久欲去疏蓋預撰昨猝不及詳也 上意解許

之賜金幣廩役子中書舍人銳禮部司務鈔俱還侍蓋安故
銜珣群小假邏卒構之去

王世貞曰一劉珣也 憲錄稱其附中人得罪以至疏辭
不肯終養 孝錄稱其進講以正定國本廬親墓鄉黨化
之號曰仁孝里蓋 憲多劉吉所載 孝則焦芳改筆珣
于人乃中下耳吉有隙芳有恩故異詞也

丙寅論重囚七十五人

賜太監潘洪儀真監萬引



丁卯前南京右僉都御史高明卒明字上達貴溪人景泰辛未進士授御史進大理寺丞成化初遷南院政令清肅年六十四予祭葬

庚午工部右侍郎設倫理易州山廠召商賈怨見許奏下獄尋復之

辛亥夜月犯靈臺中星

太監潘記主太岳太和山求兼提督均州官軍操守許之

十月庚辰故南京刑部右侍郎陳儼子景援例入監不許命令後子孫乞恩須審其父任久績著者始以聞

甲申鎮守兩廣平鄉伯陳政卒政在鎮十九年最諳夷情杜絕私請如廉州地饒未嘗一至


丁亥免都成前年災租五十一萬五千三百餘石

己丑兵部尚書余子俊改兼左都御史巡撫大同乃提督軍務時被讒也

庚寅左軍都督同知周或封長寧伯祿千石

癸巳夜月犯五車星

前太常寺少卿吳道亮卒句容人樂舞生年八十一未嘗有失予祭葬



甲午 英廟惠妃王氏薨大興人年五十七謚端靜安和

丙申免濟南等夏麥四十五萬三千九百二十餘石

丁酉降夷舍打古珍等安置廣寧

己亥南京光祿寺卿李木卒賜祭葬曹縣人景泰甲戌進士

壬寅南京錦衣衛指揮僉事黃琳為指揮同知世襲以太監

黃淋家屬得官六人

尚寶司丞許瀚道值太監鄧才護不避為從人碎其牙牌俱

下獄復之

癸卯傳陞道士劉太極為太常寺丞初星變時暫斥傳奉官

至是復漸進矣

甲辰免開封等田租五十七萬九千五百八十餘石平陽澤

潞遼沁田租四十萬七千九百七十餘石

丙辰廣東按察副使陶魯為湖廣按察使仍在兩廣行營


金晝星見

丁巳永和王鍾鈇有罪奪歲祿

提督四夷館太僕寺卿韓定卒威縣人諱字生子予葬

己未昏刻月犯昴宿

庚寅東寧伯焦俊為平羗將軍鎮守甘肅召總兵范瑾還京



辛酉太常寺少卿程洛卒洛父太常卿南雲能書除中書舍人至今官工楷篆最慎密予祭 壬戌曉刻火星犯天江星癸亥御史錢承德等聖節後至下獄杖之謫為介休知縣傳陞左通政李和為南京戶部右侍郎禮部郎中黃景為右通政

乙丑祠故山東總兵官都督衛青永康侯徐安于山東歲一祭巡撫盛顥請之

丙寅京師地震 南京兵部尚書王恕上言京師天地僅一壇 祖宗暨先聖僅一廟而佛乃至千餘寺者舛也一寺立

而移民居者且百家費內帑者數十萬金林俊言當不宜罪宜特復其官并復張黻官不報


丁卯鎮守延綏太監常敬調寧夏寧夏太監簡顥調延綏敬在延綏狠愎忤總兵官岳嵩都御史呂震時忿爭故易之

辛未巡撫鳳陽馬文升為兵部尚書戶部左侍郎李衍為尚書總督倉場巡撫四川孫仁為戶部左侍郎

夜月犯太微垣右執法星

癸酉成山伯王鏞領神機營

遵化地震夜月犯星宿



甲戌巡撫保定李敏總督漕運兼巡撫鳳陽其保定巡撫員
革之

禁私閣

淄川地震

前巡撫甘肅右副都御史婁良卒良字魯士通許人正統乙

丑進士授主事謹約自守比歸行李蕭然年七十五予祭墓

十二月庚辰撫治鄖陽右副都御史劉璋改巡撫四川

昏刻金星犯壘壁陣星

壬午傳陞分守西寧衛指揮使王儀為都督僉事協守寧夏

西路

軍右都督馮宗辛昌黎人世

衛指揮使

癸未傳陞太常寺卿丁永中鴻臚寺卿賈斌俱禮部左侍郎

仍署寺事


廣西左布政使何鑑為右副都御史撫治鄖陽

昏刻月犯外屏星

甲申手勅改太子太保禮部尚書劉吉為戶部尚書兼謹身

殿大學士詹事彭華為吏部左侍郎仍兼翰林學士直文淵

閣



辛丑進南京兵部尚書王恕太子少保
壬寅免平陽澤潞等秋糧九十五萬三千二百五十餘石
癸卯曉刻月犯南斗魁星
甲辰命巡撫南畿右副都御史李嗣羅松江餘米九萬石
卜入宣府西路涼州莊浪鎮番永昌
是月傳奉官百餘人

國權

鹽官設遷孺木著

成化二十二年丙午

正月癸丑各巡撫赴京議事

丁巳夜月犯五諸侯星


己未 上南郊

寧府石城王奠堵薨謚恭靖性莊毅簡貴寡言笑家法甚嚴
未嘗有過行

辛酉夜月食

國權

成化二十二年



乙丑勅河南按察僉事傅希悅兼理鳳陽等處賑飢
丁卯南京太僕寺少卿李溫入京黃緣改太常寺
罷脩沙河橋

戊辰左春坊左庶子劉健為少詹事
是月卜深入臨洮金縣殺掠三千餘人

二月庚辰太子太傅保國公朱永以蜚語言其不軌乞免不允
免大名真定順德廣平保定去年夏麥九萬八千三百餘石
武昌等秋糧五十四萬八千餘石
辛巳雲南岷岷民作亂平之

癸未賜各巡撫官勅撫安軍民
分守莊浪左叅將都指揮使田廣為都督僉事


甲申黔國公沐琮定雲南土官嫡庶子每三年上其籍承襲
時三司會勘不得過三月從之

翰林脩撰林瀚為左春坊左諭德

移備倭署都指揮同知郭鏐暫住通泰益城捕盜盜

丙戌進士王質趙鏐呂獻夏昂為給事中質吏科鏐獻刑科
昂工科

戊子荊門州地震



己丑陳輔嗣寧陽侯 陳懋次孫

庚寅安遠侯柳榮為征蠻將軍總兵官鎮守兩廣

辛卯昏刻月犯鬼宿

癸巳晉府寧河王美瑄薨年五十九謚康僖


夜月軒犯轅

甲午 皇十子祐樞生母端妃潘氏

罷余子俊奪太子太保蓋延綏太監常敬恕子俊調之寧夏
曰奏子俊懷奸抵飾所調副總兵周璽總兵周玉薦搃兵岳
嵩皆出私恩怨兵部言此子俊未任前事 上怒其隱命杜

謙等并勘謙等回奏子俊在邊未二年費銀百五十萬糧料
二百三十萬石雖公而定廉下戶工二部議覆 上責子俊
偏乖耗廢焉

邱濬曰秦人築城不量力不恤民則非也焉可以噓而廢
食哉北魏高閭亦嘗建議而不克遵而公則遂矣且有效
或者不廢其前功而顧逆料其後弊何哉忌之也亦非專
為公也方公建議時云凡事須是到日過似能經久者方
始為之予曰知公非苟然而漫為之者嗚呼快一己之私
而忘國計之大斯人何人哉



薛應旂曰嘗視師延綏其故老咸曰鎮城舊在綏德余公
遷出榆林軍民役死不下萬計窮簷荒廢千里邱墟孤鬼
寡婦衰麻扶杖日哭于軍門而浮沙築墻終難就緒向使
其移鎮河湟偏遂套興此大役猶可言也顧僅止此
至今榆林孤城懸于荒漠勞師戍守歲費萬千綏德藩籬
竟失鎖鑰騎長驅直闖內地其貽謀蓋不審矣由此觀
之則宣大之役臺省文章非無自也

通論不可不存其說

乙未免常州災租十萬二千一百餘石

丙申移開封米十二萬石于陝西六萬二千石于河間賑飢


己亥免蘇州災租十五萬二千九百餘石

庚子傳陞錦衣衛指揮同知邵萃為指揮使百戶邵安邵喜
俱世襲

秦王公錫薨年五十謚曰惠

鳳陽知府章銳上救災備患十六事上多從之

辛丑傳陞太常寺丞連克彰江懷為少卿



兵部武選司吏樊忠韓錫大興民匠吳鑑吳興皆通屬夷售
廢勅發事伏誅左右侍郎阮勤侯瓚調南京他部郎中鄒襲
朱紳降德安常德府同知負外郎彭綱降永寧知州主事高
鑑張景石巍趙銘蘇章俱外補
甲辰勅廣東按察僉事李轍專居贛州捕盜
乙巳勅巡撫山西左僉都御史葉淇巡撫大同右僉都御史
左鈺巡撫山西協守甘肅左副總兵署都督同知 為靖
卜副將軍總兵官鎮守延綏分守西寧都督僉事王義為左
副總兵協守甘肅

是月傳奉官七十餘人

貴州苗賊萬餘作亂

三月丙午朔平陽府蝗


戊申傳陞肅州右叅將署都指揮僉事李俊涼州右副總兵
都指揮使劉晟俱都督僉事仍分守

庚戌寧夏地震

壬子曲阜知縣孔燮有政績加兗州通判不為例

癸丑傳陞錦衣衛朱驥都指揮使

鎮守代州右副總兵都督僉事周壘加總兵官



甲寅南陽雨雹大如鷄卵

乙卯月夜犯軒轅星

己未增給文思院匠官周安等月米至千五百餘人

庚申免撫寧縣災租

癸亥陝西寧州知州臧世清盜賑糧三千餘石追入之戍邊

甲子南京禮部左侍郎尹直改兵部通政何琮為兵部右

侍郎

己巳巡撫甘肅唐瑜上備邊方略多謬悞奪俸三月

庚午應天府丞楊守隨奏上塗改下南京刑部論贖復之

壬申許琉球入監貢生蔡賓等五人還國

赤斤罕東二衛與西番仇殺

傳奉官九十餘人多草退取還而僧道之徒尤甚

是月下屢犯大同

四月庚辰傳陞太僕寺卿朱奎為大理寺卿太常寺少卿任道

遜為寺卿

辛巳琉球入貢

禮部給僧道牒十一萬人餘止之

壬午加封金闕玉闕真君為上帝遣萬安祭于靈濟宮 按

國權

成化二十二年

六

